

थेसलोनिकेय् चवंगु मण्डलीयात पावलं चवःगु निगूगु पौ

म्हसीका

थेसलोनिकेय् चवंगु मण्डलीयापिन्सं ख्रीष्ट हानं भाइतिनिगु खँ बांलाक थुइका काये मफुनि। उकिं पावलं थव निगूगु पतिइ ख्रीष्ट हानं भाये धुंकल धकाः स्यनेकने यानाजूपिं फताहा गुरूतय्गु खँ मखुगु खः धकाः ध्वाथुइकातःगु दु। ख्रीष्ट हानं वये न्ह्यः संसारय् मभिंपिं व मभिंगु ज्याखँ अप्वयावइ, अले “नाश जुइमाःम्ह पापयाम्ह मनू” खने दय्कः वइ। वं ख्रीष्टयागु विरोध याना जुइ।

पावलं थेसलोनिकेय् चवंपिं विश्वासीतय्त न्ह्यागु दुःखकष्ट वःसां विश्वासय् बल्लाना चवनेगु व पावल व व नाप ज्या याइपिन्सं थें थः थःम्हं ज्या यानाः नयेगु अर्ती नं बियातःगु दु।

धलः पौ

न्ह्यखँ	१:१-२
प्रार्थना व चवछाःगु	१:३-१२
ख्रीष्ट हानं भाइगु खँ	२:१-१७
विश्वासीतय्गु चालचलनया बारे अर्ती	३:१-१५
क्वचाय्कूगु	३:१६-१८

२ थेसलोनिकी

पावलपाखें ज्वजलपा

१ १ भी परमेश्वर बा: व प्रभु येशू ख्रीष्टयागु थेसलोनिकेय् चवंगु मण्डलीयात पावल, सिलास व तिमोथीपाखें ज्वजलपा।*

२ परमेश्वर बा: व प्रभु येशू ख्रीष्टया दया माया व शान्ति छिमिके दयेमा।

ख्रीष्ट भाया: न्याय यानादी

३ छिमिगु विश्वास जाजां वनाचवंगु दु, अले छिमिसं थ: थवय् माया यायेगु नं अप्वय्का हयाचवंगु दु। थुकिया नितिं परमेश्वरयात सुभाय् मब्युसे मगा:। ४ छिमिसं उलिमछि दु:खकष्ट सिया चवने माल नं क्वात्तुक विश्वास याना: सह यानाचवंगु खँ जिमिसं थाय् थासय् परमेश्वरयागु मण्डलीइ चवंपिन्त छयं धस्वाका: कने फु।

५ परमेश्वरं र्खा: स्वया: न्याय यानादी मखु धका: ला थुकिं हे सी दत, छायाधा:सा छिमिसं दु:खकष्ट सियाचवंगुलिं हे छिपिं वय्क:यागु

राज्यय् दुहां वनेत ल्व:पिं जुल। ६ छिमित दु:खकष्ट ब्यूपिन्त वय्कलं दु:खकष्ट बियादी। परमेश्वर न्याय यानादीमह ख:।

७ दु:खकष्ट सिया चवंपिं छिमित व जिमित नं वय्कलं दु:खकष्ट मदय्का बी। प्रभु येशू ख्रीष्ट वय्क:या तसकं बल्ला:पिं स्वर्गदूतत नाप स्वर्ग भायादीबल्य् वय्कलं थथे यानादी।

८ वय्कलं च्यानाचवंगु मित्या: ज्वना भाया: परमेश्वरयात महमस्यूपिन्त व भी प्रभु येशू ख्रीष्टयागु भिंगु खँ मन्यं-पिन्त सजाय बियादी। ९ थुपिं प्रभुयागु तसकं बल्ला:गु जलं तापाक व प्रभु-यागु र्खा: तकं स्वये मखंक चवना चवने माली। अले थुपिं सदायात नाश जुया वनी। १० उबलय् वय्क: थ: मनूतय्पाखें महिमा कायेत व विश्वास याइपिं सकसितं आजू चाय्केत भाइ छायाधा:सा छिमिसं जिमिगु साक्षीयात विश्वास यात।

११ अय्जूगुलिं हे छिपिं भी परमेश्वरं स:तादीथें जुया चवने फयेमा,

वय्कःयागु शक्तिं छिमिसं मतिइ तक्व भिंगु खँ व विश्वासयागु ज्या पूर्वके फयेमा धकाः जिमिसं प्रार्थना यानाचवनागु दु। १२थथे छिमिगु पाखें भी प्रभु येशूयागु नां तःधं जुइ, अथे हे भी परमेश्वर व प्रभु येशू ख्रीष्टयागु दया मायां यानाः छिपिं नं तःधं जुइ।

प्रभु भाइगु खँय् मखुगु बिचाः

२ १दाजुकिजापिं, भी प्रभु येशू ख्रीष्ट भाइबलय् भीपिं फुक्क-सितं वय्कः नाप छथाय् मुंकीतिनि धयागु खँ थुइकि। २जिमिसं छिमित बिन्ति याना चवना — सुनानं भी प्रभु भाइगु ई वये धुंकल धाल धायेवं छिपिं आछु आछु कने मते, अले ग्याये मते। गुम्हय्सिनं अगमवक्तां धाःथें चवंक, गुम्हय्सिनं वचन पाखें धाःथें चवंक, अले गुम्हय्सिनं जिमिसं पौ चवया थें चवंक थथे धाये फु। ३सुनानं छिमित मिखाय् धुलं छ्वाके मफयेमा। मनूतय्सं धर्म यायेगु मत्वःतुतले, अले नाश जुइमाःम्ह पापयाम्ह मनू खने दय्कः मवतले प्रभु भाइ मखु। ४वं थः थःम्हं तःधं जुयाः मनूतय्सं परमेश्वर धयाचवंगु व पुजा यानाचवंगु फुक्कयात क्वह्यंकी। थःम्हं थःत परमेश्वर धयाः व परमेश्वरया देगलय् चवंवनी।

५छिमिथाय् दुबलय् हे जिं छिमित

थथे धयागु खः। छिमिसं आःतक लुमंकातःगु हे दये माः। ६ई जुल कि व खने दय्कः वइ। आः थथें खने दय्कः वयेत वयात सुनां पनातःगु दु धकाः ला छिमिसं सि हे स्यू। ७अय्नं वं थःगु ज्या दुनें दुनें यानाचवंगु दु। वयात पनातःम्ह चिला मवंतले वयागु मभिंगु ज्याखँ खने दइ मखु। ८वयात पनातःम्ह चिला वन कि व दुष्ट खने दय्कः वइ। अले प्रभु येशू ख्रीष्ट जलय् भः भः धाय्क भाइबलय् छगु सासलं हे वयात नाश याना छ्वाइ।

९दुष्टयाके शैतानयागु शक्ति दइ। वं तःतामछि अजूचायापुगु ज्या व चिं याना क्यनी। १०नाश जुया वनिपिन्त वं थथे यानाः मिखाय् धुलं छ्वाकी, छायाःसा इमिसं मुक्ति बीगु सत्य खँयात मयय्कू। ११अयजूगुलिं इमिसं मखुगु खँय् जक विश्वास याना चवनेमा धकाः परमेश्वरयागु शक्तिं इमित मखुगु खँ जक पत्याः याका तइ। १२सत्य खँय् विश्वास मयासे मखुगु खँय् जक यःयःथें सना जुइकाः इमित सजाँय बीत वय्कलं थथे यानादीगु खः।

मुक्ति बीत ल्यया तःपिं

१३प्रभुया यःपिं दाजुकिजापिं, जि-मिसं परमेश्वरयात सुभाय् मब्युसे चवने मफु, छायाःसा वय्कलं छिमित पवित्र आत्मां जाय्काः पवित्र यानाः

व सत्य खँय् विश्वास याका: मुक्ति
बीत न्हापांनिसें हे ल्ययादीगु खः।
१४ थुकियागु नितिं हे वय्कलं जिमिगु
पाखें भिंगु खँ न्यंका: छिमित भी प्रभु
येशू ख्रीष्ट नापं तुं तः धंकेत सः तादीगु
खः।

१५ अय्जूगुलिं दाजुकिजापिं क्वात्तुक
विश्वास याना च्वँ। जिमिसं धयागु व
च्वया हयागु खँ न्यनेगु या।

१६ प्रभु येशू ख्रीष्ट हे व भीत माया
यानादीमह व दया माया याना गुबलें
सिना मवनिगु साहस व भिंगु आशा
बियादीमह परमेश्वर बाःनं १७ फुक्क
भिंगु ज्याखँय् छिमिगु नुगः बल्लाका
दीमा।

जिमिगु नितिं प्रार्थना या

३ १ दाजुकिजापिं, प्रभुयागु भिंगु
खँ न्यंकभनं न्यना वनेमा, अले
छिमिसं थें फुक्कसिनं न्यना: विश्वास
यायेमा धका: जिमिगु नितिं प्रार्थना
याना च्वँ। २ फुक्क मनुतय्सं विश्वास
याना मकाइगुलिं मभिपिं व दुष्ट
मनुतय्गु ल्हातं जिमित बचय् याना
तया दिसँ धका: परमेश्वरयात प्रार्थना
याना च्वँ। ३ प्रभु विश्वास याये बहःमह
खः। वय्कलं हे छिमित बल्लाकादी,
अले दुष्टमह मनुपाखें बचय् याना
तयादी। ४ जिमिसं धया थें छिमिसं
यानाच्वंगु दु, अले याना हे च्वनी

धका: जिमिसं प्रभुयाके भरोसा कयागु
दु। ५ प्रभुं छिमित परमेश्वरयागु माया
व ख्रीष्टयागु सह याना च्वनेगु शक्ति
थुइकादी मा।

ज्या याना: नये मा:

६ दाजुकिजापिं, थाकु चाया: जुइपिं
व जिमिसं धयागु खँ मन्यपिं नाप
जुइ मते धका: प्रभुयागु नामं जिमिसं
छिमित बिन्ति यानाच्वनागु दु।
७ जिमिसं याना: थका थें याये मा:
धका: ला छिमिसं सि हे स्यू। छिपिं
नाप च्वनाबलय् जिमिसं भचा हे थाकु
मचासे ज्या याना। ८ जिमिसं सुयाकें
सितिं कया: नयागु म्दु, बरु छिमित
थाकु मजुइमा धका: जिमिसं चां न्हिं
सिना: सिना: ज्या याना। ९ जिमिसं
छिमिगु नये मथ्या: धका: अथे यानागु
मखु, बरु छिमिसं नं अथे हे यायेमा
धका: क्यनेत अथे यानागु खः।
१० छिपिं नाप च्वनाबलय् हे जिमिसं
छिमित थथे धयागु खः — “ज्या
मयासे च्वनिपिन्त नके नं मते।”

११ छिपिं मध्ये गुम्हं गुम्हय्सिनं
थःमहं ज्या मयासे मेपिनिगु ज्याय्
जक ल्हा: तया: सना जुयाच्वन
धयागु खँ न्यना: थथे च्वयाच्वनागु
खः। १२ थज्या:पिन्त जिमिसं प्रभु
येशू ख्रीष्टया नामं ख्याच्वः बिया:
धयाच्वना — “थःगु ल्हातं ज्या याना:

न।” १३ दाजुकिजापिं, भिंगु बांला:गु
ज्या यायेत थाकु चाये मते।

१४ आम्कन च्वंपिं सुनानं च्वया
हयागु खँ मन्यन धा:सा अज्या:पिन्त
म्हसीका: इपिं नाप तापाक हे च्वनेगु
या। अले इपिं थ: थ:म्हं मछाली।

१५ अयूनं वयात शत्रु थें भा:पी मते, बरु
थ: हे दाजुकिजायात थें न्वायेगु या।

१६ शान्ति बियादीम्ह प्रभु थ:म्हं हे

छिमित न्ह्याबलें फुक्क कथंयागु
शान्ति बियादीमा। प्रभु छिपिं फुक्क
नाप दीमा।

१७ जि पावल थ:म्हं हे छिमित
ज्वजलपा च्वयाच्वनागु दु। जिं च्वया
हयेगु फुक्क पतिइ थथे हे सहि यायेगु
ख:। थ्व जिगु थ:गु हे च्वयेगु पह: ख:।

१८ भी प्रभु येशू स्त्रीष्टया दया माया
छिपिं सकसिकें दयेमा।